

集部

欽定四庫

集部 東田遺稿卷下

詳校官中書臣沈 颺 中書臣劉源溥覆勘

校對官學正臣常 總校官編修臣王燕緒 勝録监生臣潘 河 循

というこれという 監察御史臣張羽謹題為陳言時政事臣無似 謹昧死上言臣聞創業 明 張羽 撰

志鋭而恤人言敬天勤民法祖為治接大臣以禮使厚 金人上屋人 無替逮孝宗皇帝益隆繼述之道天資明而好學問聖 子神孫萬世帝王之業肇於此矣服後列聖相承有隆 客而防範周體統嚴而規模遠內治既正外治亦張聖 太祖萬皇帝奮起元室之季百戰問關以有天下肇造 之制諸司臣工咸有職守內外大小勢相維屬而又設 司諫之職立風紀之官求以開廣聪明糾察姦宄樞機 '初延訪忠良任用賢知集產謀而稽衆長以定畫一

尊之位方在諒陰羣心惟戴以為陛下必將大與維新 先帝奄棄哀號思望四海同悲陛下以英妙之年履至 類不聞肆肯古稱二帝三王之治不能過也天禍臣民 年間朝廷尊安海內殷富中官私人不聞干政鄙夫邪 臣有恩爵賞威刑率由公道征飲與作動合經常十 之化以光先帝遺烈奈何小人當國蒙蔽聰明至理難

次定四軍全書 人

美陛下有馳馬試劍之習而小人得以售其好遂使政

東田遺稿

臻侈心易肆陛下有乗龍御天之資而羣下不能成其

寄之心發假以柄權故瑾得以緣法為好怙恩安作目 蓄慮動為國家天下之大蠹陛下不覺其好以為能事 見司禮監太監劉瑾鬼城其形虺蛇成性剛愎自用陰 之人心頓異於先帝時也良由任用小人之弊耳臣切 事好記膏澤罔完仁賢解體問問拊心益五年於兹矣 很害人挾主威以令羣臣任己私而亂成法凡其設心 所以然者豈以先帝之美政非當令之所宜行而今日 不識文字而謬擬綸言身不諳典刑而恣行威賞祖宗

炎定四事全書 遷尚書劉大夏韓文等皆顧命大臣老成忠亮先帝簡 任以遺陛下而瑾畏其軋己不利行私首先去之是使 孝為心而瑾尊之以不親餐廟陛下初年以繼承為念 瑾奸邪誤國之罪難偏以疏舉姑言其大者則陛下初 係而好人監惑之禍亦基於此也至於大學士劉健謝 而瑾尊之以不得入後宫凡此三者大政所關國本攸 年以勵精為治而瑾導之以不常視朝陛下初年以純 以來百五十年綱紀法度規模體統為然無幾存者迹 東田遺稿

恩榮破例而俸進者至以傳奉入翰林武舉以儲將材 其財賄則拘留過時而幸免者得以中古復故職登科 諫也入覲官僚點防臧否親民之任故嚴其考也一 瑾惡其則切攻發已過悉屏逐之是使陛下不得聞 而中選者悉投之於遠卒有緩急能其應募招商以實 欽等忠直敢言為國不貳先帝涵養作成益非 '士甲第等差事君之道貴正其始也一私其黨與則 日 貪

下不得用信臣也給事中戴銑劉范御史海彦微

重 反二日中二日 邊儲而入聚者皆繁之於獄卒有卤荒誰為轉輸弱栗 於屯種日不即生加之丈量附之優是激其變故也 之腐壞無問監臨主守倍數追償故有質不能給緊欲 經年名為聚飲實為飲怨也官吏之犯罪無問公私輕 之民横屍都市何啻千人類多罪不至死沿邊諸軍告 以萬計多取辨於有司枷號之唇濫及於大臣而無知 禍也抄沒之刑縣加於薄罪而中人之家籍其貲財動 切罰米故有累犯重科積至千石名為儲蓄實崇 東田遺稿

絕其生路也有捕盗之功隨以都御史之賞而必責其 親冒矢石徒足重傷國體耳殊不知征欽之政急則標 掠之徒與捕之其何能止惡健訟之俗則削其鄉貢士 通逃軍士迫於機寒勢不得已重以里隣連坐之法是 朝廷之威近於褻而民間之害日已滋矣凡此數 勤於公府之文移繼之行事校尉猛於惟科之胥隷 之樣與則告話之風起禁之其何能息始而提人駕 額而又限其不任京官徒以犬哪人情耳殊不 知維

金り

Ŀ

1: 1

とこコーニニュー 加詰問委棄政務專事般遊既不得讀書以監戒前古 豐於內帑吞噬民業撩亂萬家發掘丘墳狼籍干家產 勢任意據援苞直盛行營作無已甲第編於京師貨財 世之前非祖宗之法而不可以為治也而瑾且招權攬 傷天地之和召水旱之菑皆由於此陛下中其奸謀不 率皆時弊不近人情行之而失天下之心傳之而詒後 禍雖酷為身者不敢怨父兄之讐雖切為家者不敢言 及枯骨毒流窮間然人心知尊朝廷故畏劉瑾門户之 東山遺稿

騁則能勞聖躬凡此之為皆瑾之至利而國家天下之 樂於便安無所拂迕遂以劉瑾為真能忠勤謂諸臣為 金厂厂口 至不利也臣竊憂之方今吏治尚慘刻士風競奔超君 是百司之章疏不經於前四方之休成不煩於愿陛下 不關則民困無由而蘇就於晏安則虧損至德過於遊 徒事煩擾臣愚以為章疏不聞則朝政無由而理休成 又不得閒服以思惟治道旬月之內一再視朝或至日 人人一 《相為倚伏今日之所用率非前日之舊人間有

其過而在外有司觀望風古曲意逢迎故民命已急而 則公卿百官食贊其功欲罰一私人則公卿百官羣摭 卿百執事皆失其職四民之間皆失其業而瑾之威虐 力如事所尊峻法深文苟圖自結故劉瑾欲賞一私人 Children Like 日益以甚中外憂危莫不股戰脇息以為禍将及已變 有司視之皆罪人民力已竭而有司視之皆富室令公 人伺候於好權之門大官拜于前小官拜于後納忠勃 東田遺稿

二老成才智茍非以緩急赴召則必以羈縻勉留出

非 瑾不知其罪而顏以為功不知其可憂而顏以為得志 横而荆蜀之間騒然靡寧去年遼東軍士被甲櫻城北 望隆者應遠害蓄積豐者謀全家其有不然則胥而為 復殄減損失良多而强定劉烈蘭四之徒擁衆稱雄志 非矣臣聞山東江西福建兩廣以及京畿之地盗賊縱 不在小是皆劉瑾稔惡長奸開可來之釁以招之也然 智有所不及所利在此也寡鐇之叛瑾實啓之幸 用兵輕喪總制而寧夏之亂變起宗藩實非細故雖

金少

匹压点

长

九三日東 ニョー 然自疑於至尊而患不及此天下之人所深懼大駭莫 祥問間小人卑鄙庸劣一旦因奸弟之勢夤緣至此則 則事體安今宗藩為其激變來與為之震驚而元惡大 令天下後世也夫罰不遺大奸則人心服國不私近体 天亡瑾身受大賞復推恩以官其兄至為都督夫以劉 有功而放其後劉瑾有罪而官其兄賞罰如此非所以 招攀路禍如瑾者顧洒恃其敏巧佞說安享富貴侈 江伯陳熊元勛之裔今雖有罪固得以法有也陳瑄 東田遺稿

威所刼莫敢告言臣為陛下計必去劉瑾而後人心 位久處至危之地而使人疑之也臣聞古之為人臣有 安國家可治而為瑾之自計尚無他志則不當專權固 圖廢格詔書益行茶毒衆方憂其必為不利而為其積 日高貴已極勢不能復為人下而又厚自封植陰蓄異 朋布列樞要瑾身為人臣已有南陽近親之庇迹其令 功而無過莫如周公周公以諸父之親冢宰之尊而元 可得而知其由也况今之髙官顯職多用私人引類呼

訓 致太平周有天下多周公之功也然而一遭管蔡流言 餔 聖之資也武王沒成王幼周公相之不自恃其聖智 退 注之惡在朝疑之天下怨之而乃於功伐美恬不知 非親非尊無周公萬一之功而挾險侶嫚浮於恭願 握髮以延天下賢人負成王以朝諸侯制禮作樂身 此其中必有不可測者此臣之所謂危也臣願陛下 而恐懼遜於東山不敢安居以為勢有所宜然耳) 思之先 朝用儒臣則不見今日之亂今日用劉 於口貴馬

朝 休 那其最不可恕者惟其假威濟私不顧國體顛倒錯 令夕更瑾亦心知衆怨羣怒禍將及之間則上章 外示逐避而中實貪不能含至於中古慰留陳其功 加以賞資即其詞意益若大凡國政之妨吏民者皆 人皆欺罔不肖而瑾 歸於已散問厚施之罪不容於誅矣然而天下 廷而其更張轉移皆由於瑾是瑾以怨歸君上 一刑臣獨忠且賢也然瑾之奸 制

銀定

匹库全書

何

以無先朝之功則忠佞那正斷可知矣固未有舉世

京城內外私完莊田凡有幾所悉皆報出計其營作之 動以除瑾為名而中外人心亦以去瑾為快陛下何 良實內臣以備左右任使大開悔悟之端以彰平明之 好欺自不可得而掩飾然後昭布中外與衆去之別選 禄米自有常數其餘蓄藏糜費之物從何而來則瑾之 人皆知瑾之蒙蔽而日覬朝廷之開明故彼倡亂之黨 工木石之費凡用金穀幾何計劉瑾所得口糧及恩賞 因人心之怨怒選數瑾之罪惡而置之於理令其将 1000

言瑾之奸惡乃其什一 終將噬人失今不去雖有知者不能圖其後矣凡臣所 猶前依附私至瑾宅陰助奸謀其或不悛即為奸類是 亦陛下寬假之一術也臣竊謂劉瑾今日之不改為惡 瑾為從事有年不忍加罪則當收其政權真之間散 悉去舊習與民更始則中外肅然天下稱聖主矣 如騎虎勢不得下朝廷今日之不去劉瑾譬如養虎 禍基仍動文武羣臣或有大政則愈議於朝不當 一在朝之臣益有知而不敢言者

一金元

匹库全書

火色の事とう **散崩亦一言之復為言官所論臣固知今日言之明日** 羅僑幸一言之軟得罪以去繼而都御史黄珂左通政 皆先受指揮非排檳忠賢則更張制度也近而左評事 必為劉瑾所中傷禍不旋踵甚無益也然身為王臣復 **積為疾疢使一旦發狂以死固不必以言得禍也吾君** 有言責仰慙國家養士之恩卒無裨益通因憂憤觸心 東田遺稿

言路以為蒙蔽作好之地中外以言為諱間有奏疏則

自謝遷等之去與戴詵等之獲戾瑾復受計姦人阻塞

時事猶可為人心猶可保而上天之意猶有可得而回 憂以宗社久安長治之道為計臣言可采即賜施行則 據楚雄府經歷司呈承本府照會備陰陽學陰陽生 者矣臣干冒天威不勝戰栗陨越之至緣係陳言時政 伏望陛下以天下蒼生塗炭為念以海内豪傑觀攀為 事理未敢擅便謹題知伏候勅旨 在上祖宗先帝之靈在天死生輕重之間臣籌之熟矣 地震疏

人と言

たこりまたこち 十七日微震一次十八日午時又震一次将房屋瓦片 關及據楚雄衛經歷司呈俱同前因會同鎮守雲南總 會案通行修省外臣竊惟地震之變其應非一考之傳 兵官征南將軍點國公沐議照地道弗靖菑異匪常除 司經歷司呈各承奉本司割付照會准守巡洱海道咨 牆垣朝石動搖脱落等因轉呈到臣續據雲南布按二 北地震如雷吼卯時復震二次至本日午時又震三次 復初呈稱正徳六年四月十六日寅時自東南起去西 東田遺稿

矇受病專也雲南之地去京師為特遠安危休戚卒不 頃以來年穀不登横飲益急民竭其力地竭其利匹夫 易通是以惠澤不先加而苛刻恒首及馬以遠故也自 之暴者發之偏耳煩於聽有時而贖目勞於視有時而 咎也然或震於一 長大率陰盛而反常故應以震動所謂越職專政是其 記為歲機為冤獄為兵與民勞為臣下專恣為小人道 獲相率而為非今其山林郡邑之間盗賊滋起而雕 一方不見於他處則猶疾痛之在人感

Ė

往 者 貴州諸省兵荒之患實亦不殊而京 固不 **診膚巡按之寄遇笛而懼莫知攸為其於舉康** 春夏之間旱熯尤甚而地震當四月之期]] 枉 戾慎刑以重 逆笛變之與猶將未已也臣很受國恩叨列言路兹 輕重之勢實不能較將如之何臣謂道隨行華氣因事 虚 由今之勢積而不解所謂陰乗陽弱勝强之應已為不 之横敛倍於常賦雖一二同事排正之意固不能無 不見恤方物之求急於民瘼禽鳥之爱恩於夷臻私 候天時人事皆及殿常民病已深不可救樂臣愚竊意 安南之司巨首跋扈兵禍 之斬 不必更有他變而後為異也然而當路不 敢不 不 憂不 **倭竊謂此** 廣善端召用老成之臣旁求忠諫之益扶 勉竭篤鈍 民命節財 测 而 防 在 聖心感悟 未然則有非臣 粗 .效涓埃至於察專恣之萌 東西遗稿 以厚民生與凡職分之所 相連特為條烈較 之間 耳伏願 下之可得而 師不之間 適為古年之 加憂守臣 陛 之隣境 下懲創 也令 仁抑 得 植 與 杜 闻 門 而 年 星 復 為 貪

欽定四庫全書

卷下遗稿

間有所依附各官之中設有方命虐民任私慎事聽 吟疾苦有所控告特勃各該守臣留意無緩期於安集 皆知易轍而 道遏抑陰柔法健順之常以建中和之極使天下臣民 若臣等失職曠官付託不效則國家斧鉞之下固 撫 其宣楊德意通達下情務寬一分母為沮撓使夷漢之 毋或龍為抬剋之風重其倒懸之尼申粉潘泉諸臣 都 御史及臣等指實糾舉示以威嚴以彰平明之政 改塗 安土 而樂生重念遠方之人使其 無 :211 呻

地 方利病一 四事開坐具本差承差楊档親實謹題請旨

地震事理除雕川等處事情另行會奏外謹强疾條陳

逃罪也臣不勝區區之忠身在萬里之外憂病交并緣

計開

奏減銀貳萬肆百陸拾兩減去軍夫壹千陸百貳拾 **空軍夫壹萬玖千貳拾陸名除前該巡** 銀場九處歲辦課銀 清利 源 以蘇疲困臣 伍萬貳千叁百捌 切照雲南地方 原 撫 拾 有新興等 都 雨 御史李 原 撥採

火足の事とこう 諸人之身而出於人之身不謂之礦令乃令其鬻妻 子竭膏血以償之非所以利國家也况令各場礦脉 捌千餘两而加耗糜費實倍之臣愚竊謂礦不可求 場招集義夫採它侵剋入已偽稱礦脉細微歲課不 **貳名其餘軍夫壹萬茶干肆百肆名辦銀叁萬壹干** 銀礦場所出不過叁千之數而軍夫折辨乃至貳萬 足遂將軍夫口粮折辦及令乾認銀兩令計一歲課 玖百貳拾兩節因鎮守內臣自令京官人等分管各 東田遺稿

イングロ 封閉免其辦課少紓數年之困若嚴課必不可無採 因益甚合無將各該礦場比照福建等處事例一 聖明勃下該部計議前項銀課歲入不多而邊方窮 言京官管場重取之軍夫而不足設令他官督管專 取之銀礦而有餘臣已會同鎮守總兵官點國公沐 不至細微但因京官分管先入買場之資後收管場 公同都布按三司各掌印及守巡等官熟議外伏望 之利故礦銀悉歸於私而課銀則辨於官也真人有 L K1.10101.1110 數軍夫故絕奏行開它謂以銅場所得之資補銀課 廉能方正愈事一員前來專管督令義夫採辨務令 雲南府羅次縣大橋馬銅場一處近亦指言銀課不 備度幾事定而弊除課完而費省實亦可為也及照 史陳各奏事情轉行吏部查照信例選除素有風力 不足之數其實則彼盜銀礦而不足又舉此以益之 逐年完課不必經由鎮守內臣將辨納軍夫放回操 辦心不得已則查照前巡撫都御史吳巡按監察御

東四遺稿

奄忽之間復又代去前行後効率以為常送往迎來 急民不能堪迨及一二年間所欲既盈上下差定而 隣夷裔地偏而勢阻土齊而民貧近歲以來鎮守內 或遺遠憂亦宜通行查禁封閉以絕後艱二害既除 臣更代頻數跟隨官含又復衆多一至此地誅求太 百姓安業群留消變之務莫有急於此也 也况其地四隣蠻夷利源一 二久職任以節浮費臣切照雲南地方萬里潘維四 開釁端隨放既無近利

欽定四庫全書 其有稍循禮法粗效安靖與民相宜者聽其父任 肆為不法者聽巡撫巡按官員指實奏聞定其去止 懼其去為其苛刻必不能免爾事勢如此非所以保 重其勞敝故遠方之人習見其事始而懼其來終而 疆国而安黎庶也伏望陛下軫念窮邊重遭茶毒合 **必數為更代重其送迎之費必若始雖飲能而終乃** 無今後差遣內臣到鎮若其暴戾貪横及縱令官舍 **迄無寧歲臣愚竊謂彼一更易既無增益於民徒爾** 表下遺稿

員事體相繼法制已備可以萬世行之而無敗也後 然也本省原設衙門除監司等官外復有鎮守內臣 荒裔夷羅所居財賦物產不及中州數郡之富而金 **齒騰衝又其下郡也特以遠而傳聞以為富爾實不** 背弛然後易之如此行之既久庶幾民心不違而於 國家之大體亦無所損弭盜恤民之道不外是也 三罷冗員以寬民力臣切照雲南雖云一省然地本 員總兵官一員巡撫都御史巡按監察御史各一

欽定四庫全書 更任之不去臣恐将來之患不但如前日而已者雖 來非真為地方保障計也令軍民之困尤甚時告若 供億廪熊糜賞不貲固為食馬者衆而民力不能支 守夫以一隅之地前數臣者統而治之為有餘間而 事可鉴也查得前項內臣屢經奏革旋復添設此其 因罔利之徒開端作俑復於金騰地方添一內臣鎮 無少裨益而實有大害存馬近而太監張誠激亂之 也况前後數人康静者少一人之來衆人隨之於事 東田遺稿

幾事體歸一而民力得以少舒而於國家建置之意 騰添設內臣取回别用專令鎮守雲南太監兼管庶 方重遭茶毒特物該衙門計處合無查照舊例將金 夷縣有不可勝怒者乎臣之所謂久敝之地已傷之 復嚴刑以絕其倡亂之人於事體固無裡補况蠢爾 四廣學校以變夷風臣切惟雲南古荒服之地人性 民必不能厭其無己之求也臣愚伏望陛下憫此 亦不戾其初也

7. 10 M M 書上官夷人亦知有學益前古所未當有也然先是 學制未廣民間子弟與夫各該官生名在學官者或 連數郡而萃於一處或總數衛而聚於一方以故教 被禮儀之教漸變夷俗邇來農務於耕稼士勤於詩 首垢面裸身徒跣服弓矢而仗干盾性狀輝惡不通 化未大行民風未至於不變臣奉命南來行歷雲貴 二省之地見其所屬衙門未有學校之處其人皆囚 東田遺稿

禁奮前代以來竊據無常至我國家始襲華夏之風

金定区屋人言 等州各中呈彼處官生人等各因附名别學道里隔 難為者臣愚伏望陛下特勅該部計議合無撫從其 其欲為建學之意私資教育不圖原食揆之事勢無 便講習又可以見人心之向化樂於為善如此也况 涉不便肆業軍官生員皆願出貲捐俸助建學舍以 之蠻貊之邦可行也臣節據六京平夷等衛所雪益 中州臣是以知變夷莫先於建學而禮義之衛人雖 語言間或設有學校則亦遵義循禮衣冠文物悉如

ころのしのこと、かれる 一人 徒選除教官鑄降印記其師生員名悉照各該府州 學之處即與區畫料理具實奏請建立學校增廣生 意聽令臣等從宜相度將六京平夷等衛所相應建 免科貢之年聽令赴考應試使有進身之階如此行 衛所事例量為多寡生員既無原膳亦得以常例優 而固人心一時之勞萬世之利也 之數年庶幾禮讓與行蠻夷感化固亦可以美風俗 再題地震 東四遺稿

金久口 官民房屋俱各搖動又據鶴慶軍民府經歷司呈據本 府長康等一十三圖里老楊景隆等呈稱同日辰時正 南隨止續據大理府鄧川州申據本府陰陽生孫資道 稱本年十月二十七日卯 呈同日辰時一 歷司呈并雲南縣申各據陰陽生邸彦剛張仲和呈各 正德六年十一等月十二等日據洱海衛指揮使司經 刻地震有聲如雷自西北往東南正二刻方止搖 Æ ,刻地震自北方起往南方復回北方止 時初刻地震自東北過往西

陰陽生張芳呈稱同日夘時二刻本州地震聲響如雷 牆垣盡行震倒并市鎮鄉村軍民房屋傾倒數多又自 從坤方起至下四刻往艮方止将本州公解分司牢獄 本州民人趙永老人李泰楊輝等各告稱前項月日 本日辰時三刻至二十八日已時二刻連震九次及據 合府官民房屋致將原分守禦本府大理衛前前右右 所城垣震倒一 西南方地震有聲如雷將人民房屋牆垣內多震倒 一處約有三丈又據本府劔川州申據

ということにも

東田遺稿

Ŧ

男婦段平李奴等共三十七名口即今時或微動不止 壓死婦女楊氏等九名口并牛馬牲畜不計其數壓傷 止本府房屋俱各搖動等因各申呈到臣案照先據楚 動至正二刻止已經備呈轉達外至本年十一月二 月二十七日辰時正初刻自西北往東南地震如雷響 本府長康等里里老楊景隆等呈稱照得正徳六年十 人多露宿十分驚惶又據鶴慶軍民府經歷司呈稱據 日半夜子時正初刻地震自北往東搖震至正一

欠いこうえにち 二 雲南之地先是固當震動而未有令此之甚益四月楚 南等處地方都察院右副都御史顧案行通加修省外 雄尋甸等府衛經歷司即呈前事俱經具題去後令據 鄧川諸府州又相繼大震傾倒房垣壓死人畜變異極 雄震八月尋甸震今十月十一月鶴慶大理洱海剱 前因除會同鎮守雲南并金齒騰衝等處地方御用監 臣竊惟近來地震之報他省皆有之而不若雲南之數 太監張鎮守雲南總兵官征南將軍點國公沐巡撫雲 東山遺稿

歲之中災冷相望寫疾大作民死亡相繼加之蠻夷跋 矣天戒切至罔知所由將應止一方而於天下國家無 政尚和同士風習諛传權要所在上下靡然附之而勢 問民疾苦其有苛政敞法之妨吏民者固當具列上 所慮敷抑變且不測而非獨為邊隅咎也臣遠仗天威 無敢逡巡顧畏時與一二憲臣及巡守官員巡行郡縣 而暴官汙吏又當按治其罪顧荒商之外多故之餘吏 (雖平日譽望之士不能勉也今四境之内

金万日

次定四年三三 諸夷從之而起何以制之吾大不足恃者隣境貴州四 責之加者此無他謂為夷而易虐遠人無得知也今變 人之財則戕害人之生也然顧其安然為之而不憂譴 異之後必有奇應而有司曾莫之懲假設不幸而有方 干里之水旱民且飢死何以備之义不幸而一夫首禍 而吾有司兵戎不修儲蓄無素諸凡所令所行非剥奪 扈不庭而饑饉遺黎復相聚為盗其為患至近且劇也 川諸省寇亂相尋兵禍未解支吾捍禦之不暇卒有警 東田遺稿 7

憲之在直隸沮抑豪右民以安業故雖一 之責何也風紀之攸存而犀有司之所宗也臣間之都 政而所以制吏政之平者巡撫都御史巡按監察御史 急何以能相恤也臣切憂之夫一方之安危休戚係吏 体違顏望不一 御史林俊之在江西力除姦暴境內肅清監察御史王 也是惟二臣才足以有為而志不可以利奪故其名聲 風采所至赫然非獨時使之然也今方急進取務客悅 可否事又言難委順以為衆人先謂 朝之患不害

識時務知禁辱大不然也况又有不止於是者乎故近 遠方之人有所持循依庇及粉布政使等官等令其守 養疾申勃巡撫都御史顧令其正已格物播揚恩威使 差御史一員前來巡按仍勃吏部将臣放歸田里以便 變異宜也臣才質贖弱復多疾病從事荒遠無所飲為 יוווט ופינ לו וויים 慙負國恩大懼**隨越禦災抗患實所未能伏望聖明俯** 念遐荒民窮財匱正宜保愛生全之時物下都察院選 無所觀法而遠不知所嚴威吏以益縱民以益窮致此 東田遺稿 丰

等會案為急救生靈以安地方等事備行各職統率 害之來亦有所顧藉而消弭之矣 該雲南都布按三司右布政使等官丁養浩等呈各准 雖有横惡之人煩擾之令亦將禁而不得施而 本司咨關抄奉鎮守雲南總兵官征南將軍點國公沐 又得人布政使等官皆得其人則法制相維事體從正 正奉公母敢阿循附和利已妨民益巡撫既得人巡按 朝灾

たらりってんける 臨安府調集前項軍兵指置合用糧餉既戒且備於 官司民兵由齒村進會同進勒安南長官司叛賊那代 南左衛官軍同元江府建水州蒙自縣民兵由西路進 曲靖越州二衛官軍同石屏新化二州昭峨縣民兵由 打直使塞擒一人二十二日會抵賊巢賊眾現知先 那欽那銓那鉞那銘等依奉於正德六年十月內俱 判村進雲南中衛官軍同阿迷羅雄寧州教化三部長 一月十三日發臨安十九日進哨二十日擒賊三人攻 東田道稿

金贝口 獨男婦共一十五人賊崩潰投崖谷溺水死者甚衆會 兵二十餘人我兵皆殊死戰斬賊八人俘獲賊屬并被 **木雞寨進攻之復大戰賊潜蔽栅間伏弩射我軍傷民** 射傷二人賊敗遁去二十四日諜報賊那代等大衆據 俘獲贼屬六口牌甲七件二十三日遂進攻小窩子寨 預於大小窩子等處據險拒戰我兵擒賊一人斬六人 擒五人俘獲賊屬一十六人脏畜三十一頭件我兵亦被 那欽等率賊千餘人迎敵我兵冒險直前擊斬賊九人 左人! **火足四車を与り** 夜飲兵逼賊巢而營賊憚不敢襲二十五日復攻小高 兵乃止二十七日我兵分道追擊遇賊於阿革山復戰 来高吶喊矢石交下我兵傷者二人死者一人求力戰 放砲以助軍威良久賊潰走斬七人擒一人停獲那欽 進薄城巢賊急皆下馬迎敵我兵四面夾擊之又驅象 子賊敗擒一人斬五人俘獲賊屬四人賊退保白石寨 二十六日我軍集寨下分五路繞出賊前後賊數千人 那銘妻妾四人牛馬盔甲共九十二口頭件副會夜我 東山遺稿 五

金八八 獲那欽那代以衆遁去我軍追奔三十里及之復戰獲 三人三十日又攻却馬寨搜阿革箐擒劇賊者吾等二 死亡 畧盡二十八日 斬賊七人擒三人二十九日斬賊 面攻圍賊又大潰多溺緑水河而死於是賊之精悍者 二十二頭件賊千餘人走聚山頂我兵發勁弩巨銳四 那代并擒六人斬一十三人俘獲賊屬二十七人脏畜 停獲賊屬三十二人脏畜一十四匹件餘賊散走復 入窩子等寨十二月初一日攻破阿克谷寨遂進攻 11-11

斗木花仗賊敗走又搜臘窩箐獲那代妻一人并幼子 人二丁豆 二丁 人斬一十二人俘獲賊屬九人牛羊二十隻初二日攻 那安女阿姐等七人脏畜七頭件擒賊一人斬三人初 又搜濫泥設賒宰等箐共擒賊五人斬一十四人俘獲 日擒賊一十四人斬二人初六日連攻果舊白等五寨 四日於大屯山箐斬賊七人擒三人獲賊首那銓初五 三日攻多歹寨擒賊五人斬一十人停獲賊屬三人初 大寫子賊悉眾拒敵我兵擊敗之擒那代子那鑑等 東山遺稿

密阿母戈刻等寨搜曲宗箐共斬賊一十四人擒那欽 金万正たろう **賊黨十人於是賊之父子兄弟與其惡黨渠魁擒獲盡** 寨搜娘都古箐擒那銘等三人斬一十七人俘獲賊屬 子那成等八人十一日劇賊王七遁入箇舊山搜獲之 絕其餘亡命之徒雖不能無然多脅從之人似亦可逭 又擒賊一人俘獲賊屬三人十二日又打戈刻寨追獲 二十六人鎗刀鏡甲九副件初七日又攻白舌普寧等 一十九人器仗一十二件初八日至初十日又連攻雜

安府蒙自縣申安南長官司土舍那代同男那欽那鉞 案查先據雲南布政司經歷司呈承奉使司割付備臨 共擊獲賊首七名斬賊一百三十七人擒脅從賊徒七 |益自十一月十九日進哨以至于今凡二十有七日通 盜肅清邊方底定黎民安堵夷僚格心雖未躋不世之 功頗收一時之效所謂兵不踰時役不再舉者也等因 十六名口頭匹件副內被屬男婦二十一名口遂使大 十三人俘獲賊屬牛馬騾羊盔甲鎗刀等項共三百八

7/12/01/01 /12/7

東山遺稿

為區處等因臣等會議得那代等屢肆猖狂益無畏忌 **恃父子積年之惡其先殺屬禄卿人等猶是以夷攻夷** 節經撫諭曲為保全奈何本賊不感朝廷更生之恩益 報至日方議征劉誠恐本賊自度惡逆既彰事勢已急 搖旗吶喊意欲攻城槍屢婦女割耳男子支解若待奏 **悛始賊真頑無知近而猖獗尤甚統領賊兵前來城邊** 那銓那銳那銘并黨惡者吾王七等同惡相濟累犯不 旦陰謀竊發或致攻陷縣治貽患邊方誠不可不風

今復我殺縣民實已害及近地况將婦人割耳男子祭 將本賊父子人等擒拿解問仍行文安南國并附近 一旗又敢殺應捕老人支解取膽日益免殘罔知悔悟若 並進各要謀度周悉號令嚴明刻期會哨約日齊舉務 指揮方仲副使聶賢同都指揮僉事沐嶽各統率三路 スニコラニハ 不加兵夠捕誠恐日復一日滋其陸梁愈難撲滅職轉 布政使丁養浩同都指揮同知方畧愈事卻遵道同 行該鎮守巡撫衙門查照原擬調發三路人馬行委右 東田遺稿 都

給其有功人員職查照舊例就行各該守巡官員先行 司委官領銀前去措置仍聽右布政使丁養浩整理文 羅買應用并隨軍賞功銀兩銀牌段帛等物通行布政 巢衙門各於路嚴謹把截毋得助兵其合用糧餉亦依 親請軍前嚴督各哨紀驗功次禁革奸弊及鎮守雲南 隨軍查驗仍候覈實及通行禁約征進官兵人等不許 原擬臨安府廣濟等倉關支設有不敷查支該府官錢 人擅取一縷等因已經會本具題去後隨該職

金只口

銘黨惡王七又該左哨統兵副使聶賢都指揮愈事 たこりゃころう **齒村路與原定各官協謀行事及行兵備副使王昊繼** 總兵官征南將軍點國公沐等復分遣官員資執欽降 揮同知方畧報稱攻打曲宗等處山寒生擒那代子那 報稱攻打小窩子木雞霖白石山等寨生擒首惡那代 督粮的隨該右哨統兵愈事部遵道都指揮同知方仲 旗牌前去督功更會委分守臨元道左然政鍾渤繼往 那欽黨惡者吾續該中哨統兵右布政使丁養浩都指 東田遺稿 二九

地方御用監太監張鎮守雲南總兵官征南將軍點國 獲前來令據前因職會同鎮守雲南并金齒騰衝等處 并賊黨阿米等十人因被官軍殺敗逃來各屯山箐擒 類悉擒方當匝月之期遂定積年之患尤能戢兵戒殺 三司統兵等官從事兵我躬效智勇以故軍士爭奮跳 **熊報稱攻打擺寧大寫子等處山箐生擒那代子那鑑** 公沐巡撫雲南等處地方都察院右副都御史顧議得 那安等及即據蒙自縣大屯小甲人等報稱賊首那銓

政司收貯停獲人口發屬收養被屬男婦給親完聚首 |驗復審追出安南長官司印信一顆同將解到獲得牛 其邪志外國息其縣端是皆仰仗天威遂爾靖安邊境 不忍大索窮追允安夷漢之心大洩神人之慎諸首絕 少足四車全書 一 惡那代等發行三司掌印并該道守巡等官從公會問 馬縣羊變賣銀两并盔甲鎗刀器械逐一見數俱發布 也其三哨官兵斬獲首級生擒賊犯職已親臨紀録查 至日與有功陣傷等項官軍民兵姓名覈實造冊及本 東西遗稿

行取赴京被因限期緊切衝冒炎暑兼程前越行及山 年四月間該吏部為急缺科道官員事題奉欽依將臣 五日班師外緣係捷音事理未敢擅便會專差務捧謹 兩等項行布政司清查造册徑自奏繳除於十二月十 長官司衙門印信各另奏請定奪用過糧鉤并賞功銀 臣由進士初任知縣尋陞御史及補今官先於正德二 具奏聞伏候勑吉 守保定有疾乞休 卷下 火に切ったは 食言語動有妨礙較之初年實益狼狽臣前在京師乞 於中焦濕氣流於支節拘擊煩亂不時有之年復一年 支臣氣體素弱加以濕熱交蒸道路勞頓逐爾因憊行 嚴程比至州城自辰達酉霑濕既無可避饑渴復不能 漸以沉痼令春以來疾復大作脾土內蝕心火上炎飲 深也自後每遇春夏之月暖氣流動前疾舉發痰飲客 東德州地方中途風雨交作猝之雨具旁無旅舍前有 不能前淹留信宿隨復就道臣於爾時亦不覺受病之 東田遺稿

以中途被雨蒙一 之日多安强從事之日少臣之初志實所難關况臣始 多事感激發情不忘于衷此臣所以强疾馳驅依依以 恩未報初志未終猶欲勉圖後効既而行役遠方歷觀 藥餌徒施病根終在臣初有疾遂欲乞身歸田思惟國 孟淳梁景芳至保定則醫生霍鳳相繼診療迄不能痊 至於斯也今病與日增莫能自力數月之內疾痛飲藥 藥於太醫院醫士盛職韓春項尚陵及往雲南則醫生 グロ とって 朝不測之患因循隱忍遂有今日腹

道勞形役神非養命之理今臨政則疾未間療疾則政 逸多勞此疾所以日益危也臣間懷榮保安非事君之 藥力不至於膏肓而疇昔諸醫復多問遠與居之際少 之易愈近而微一感觸調理尤艱益元氣不速於平時 患其不可測度有大於令者也臣當驗之往時疾作療 妻好之在侧生死之寄委於僮奴則微臣之身将來之 大いついしんにあ 心肢體受病彌深而旅食異鄉上無慈母之顧憐下無 不裕勢不能以兩利患常失於後圖為臣之謀義先謝 東田遺稿

家將馬用於臣而臣之危病實妨賢人之路此臣今日 金厂上 休退未蒙諭允臣當殞身盡瘁仰答深恩然疾久不瘳 迫切不得已之情也臣前在雲南亦曾冒死陳情願乞 力之人猶懼弗勝其任如臣鄙病何以能堪方令國家 守屬當大郡假專制於一方並等威於三輔雖多才强 事固不宜忘諱疾之戒而蒙竊位之憂也況夫官為牧 此苟禄以養病軀冒患以榮名嗜進而不知後悔則國 經多故之餘適更化之始用賢養民急於療疾使臣於 压 火定四事全事! 望皇上憫臣病告察臣愚誠物下吏部將臣放歸休致 職益多職居常省念彌切驚憂素餐之誅臣奚能追伏 体致仰奉欽依吏部知道欽此欽遵續蒙該部轉行 臣因舊患痰濕調治不痊謹於今年三月間具奏乞恩 謹具本令男張貴抱實奏聞伏候勃吉 家生成之仁則臣不勝幸甚緣係有疾乞恩休致事理 以便調理萬一苟全多病之軀獲觀太平之盛以大國 再乞休疏 東山遺稿 丰 撫

將所掌印信及倉庫錢粮等項關發本府委官署管 鰥曠之憂而即民猶觖保全之望無寧以臣一 書日力每分於醫藥沉疴積滞轉相為剔豈惟微臣懷 雖臣仰荷深恩罔敢自惜然數月以來身心雖勤於簿 臣思惟數年之疾非 疾管事至七月初旬前疾大作肢體重困莫能支吾尸 按衙門行令臣在任調理照舊供職遵依 百姓之笛也伏望聖恩俯垂於念勑下吏部容臣退 一朝可瘳久疲之民非卧而可治 一面服藥扶 人而重

火に日·中心的 察御史徐文華盧雅及臣原籍直隸巡撫都御史散願 致事理謹具本令男張爵抱實奏聞伏候物旨 臣見年五十六歲直隸楊州府泰與縣人由進士先任 所庇賴臣不勝感戴天恩之至緣係多病曠官悲乞休 知縣尋陸御史於正德七年陞直隸保定府知府正德 体速選也良代臣職任無幾臣病驅得以歸全郡民有 年因患痰濕等疾奏准致仕節該兵部侍郎陳王監 副汴泉乞恩休致 東山道楊

紀之任濫被金紫之紫敢不勉竭庸愚少圖報稱以無 知雖林堅退藏之人亦思奮揚以刻尺寸况臣影膺風 臣時舊疾痊疴依奉於當年九月赴任至正德十五年 尼畴昔諸臣論薦之言然臣矢心未終行年則晚形勞 一按监察御史張士隆各保舉題奉欽依起用正德十 年五月內奉吏部割付文憑復除福建邵武府知府 朝録用之恩適逢聖政維新之會名起老成任用賢 月欽陞前職正徳十六年四月前來到任臣仰 思

功郎骸皆以五十六歲而殁去年臣弟弱亦以五十 來類多蚤世臣祖琳卒時年總五十有二叔祖中書舍 時疾弱至長差强甫過中年老態隨見且臣自先世以 人城卒時年總四十有六臣父贈監察御史黼叔授迪 酬司法之官豈宜有此懷禁保禄臣不忍為竊念臣少 年春來痰濕旁流左臂旋亦痿弱近而目益加暗臂復 疾作益不自由去年冬間風熱上壅右目猝然昏花今 不仁淹留彌時醫藥罔效茶牘妨於披閱出入艱於應 東西電狼

洪恩於萬一是臣報國之心雖不能行之臣身猶或行 强志尚坚定臣固常遺書戒之彼其在職宜可以仰答 **慚負國恩無所逃罪顧臣有二弟皆由進士出身翀任** 與叔適如其期雖修短有常然父子祖孫相承一氣 江西廣信府知府聽任禮部精膳司主事彼皆年力精 臣髮短齒球疾多食少先零之質不能無望秋之感臣 歲而亡臣今年五十有六視二祖及弟已踰其數視父 '臣弟也此臣東曲之言何敢上塵天聽念惟君之 顀

金ケロルノ

E

伏候動旨 息臣雖無狀猶將拭目瞻天以觀太平之盛舉手加 愚誠俯賜寬仁容臣休致萬一仰仗威靈猶幸苟延喘 臣猶父之於子子有疾苦必從父母告之今臣不幸而 以祝齊天之休臣干冒天威無任戰慄隕越之至緣係 有宿疾隱憂敢復隱於陛下伏望聖慈憫臣衰疾察臣 スかりにはかる 有疾陳情乞恩休致事理謹具本令男張熙抱實奏聞 河南左轄乞休 東田遺稿 額

幾陛河南右布政使尋轉今官仰荷隆恩亟於圖報不 **貸養等疾上疏乞恩休致蒙吏部題奉欽依病痊推用** 年 而復明臂先痿而亦喻视瞻作用盡復故常出入與居 自是獲歸田里屏居一室專意養病六七年問目 臣由進士歷任 無妨礙嘉靖八年二月內叨蒙復除四川左祭政無 四月內陞任河南右祭政南陽無民爾時因患目昏)顧慮銳意前來比至藩司衆務攸萃久静之後輙 知縣御史知府按察司副使於嘉靖 始 暗

巨

火一四車~五 守藩垣狼曠為嫌譴責奚追縱人言之未及亦內省之 歸為謀斯晚况令境內多故民間阻饑上自撫巡衙門 即雖坚日暮之光不與老馬無庸於捕鼠樗材馬取於 善忘與物多件每壽張於胥更恒紛糺於簿書歲寒之 旅牛臣誠自知謂宜速去若復留滞寧無悔尤咎至圖 持披閱多艱應酬俱困兼之行年既邁老態寖加當事 任勞數月以來兩目昏花幾不能視一臂麻木幾不能 两司長貳下至州縣早官罔不事事而臣屬以衰病冒 東田遺稿

部容臣退休庶幾少延六裹之餘齡卒全三紀之終譽 填海之心能忘結草之念伏望聖慈憫臣衰病粉下更 休未蒙賜允臣不勝感懼謹復昧死上言臣昔自諸生 臣因患目昏臂痿等疾於令年正月二十四日上疏乞 臣不勝感戴天恩之至 叨登進士服官中外三紀于兹爰自草茅薦歷藩屏猥 未安臣慚負國恩莫能報效忠誠不泯雖死猶生未終 再乞休疏

金万工

愚既拔於幽滞終憐臣老復鑒其悃誠愚臣進退之間 とこうしょ 終懷失己之嫌亦非所以報効於明時也伏望聖慈憫 謀而末疾彌留患在要害奉職無狀中切憂危仰惟聖 未終臣本庸愚老益間劣才不足以通變智不能以自 以韋布濫被金絲顯榮退於尊親温飽適於俯仰 臣衰疾物下吏部容臣歸休則陛下天地之仁始念臣 明本以亷退取臣臣敢不以名節自爱尚昧乞身之義 '外悉為國恩萬死為期敢忘臣即顧行年既暮初志 東田道高

伏承海諭義概凛凛豈惟武弁下吏有所感激震動雖 實惟吾君所命臣無任待罪閒越之至 金欠口二生 其於天下之事若非素計預習而 於尋常知愿之外而事變之來雖至於驚世駭俗聞 網維萬里之外而拊循犀僚之上則其經營謀畫皆出 鄙劣若羽者資益固亦非淺耳夫英雄豪傑平時韜晦 雜者 奉巡按察院議兵事狀 旦荷重寄攬大權

悔惕之令致能使山東之士感激不忍忘唐先輩謂其 而臭敢櫻其鋒議者謂其為伊尹日望之俸管仲樂毅 朝雖平日奸雄跋扈若曹操司馬懿之徒皆摧敗困服 亦裕然為之而無所難此果何術以行之哉道誼問諸 任與漢討賊之計以與天下謀勇之士關智角力於 術出張良賈誼之右益惟二公者其心明於義利之 而事幾激於外也昔孔明起南陽出雅畝耕耘之姿 7 也陸勢在奉天圍城中以疏遠危語之階專懲艾 東田覧店 =+2

一多方匹居全世 畧定唯是意外之愿亦已領畧罔敢忽忘獨計邵武為 之烈也乎此東南之所屬望而愚夙夜腐心馬於斯者 終之責而得以宣仁義之言執事其將亦為武侯宣公 也令執事釋褐入仕冠多立朝搏擊以為權澄清以為 辨其智審於順逆之勢而其才又足以通於應變之務 也所論備戰守給飽餉及諸條約謹已悉如指揮處分 任控海濱險阻之地犯事勢危迫之秋義有所不辭幾 有所難遏雖微軍旅之命而得以任廓清之功雖無綸

護之間其地距彼尚遠山嵠峻仄一夫當關其險足恃 顏此不可往彼豈獨可得來耶抑此時此地要為不可 得人料理必能辨此不憂也若泰寧邵武諸監亦遣吏 往其他關隘亦分布將吏令各自為守是二要害地皆 周知縣必復雖慮其獨任教諭周瑾可輔之光澤杉關 近有徐知縣泰今武平监司復遣沙縣何亦尹知縣以 延喘息或崩潰亡命則侵軼奔逸足為吾憂然建寧有 即密題城巢城若一意東下此非所為圖若欲竊據以

·
東主四車全書

東田遺稿

故聞命之日不此之為憂而憂在彼顧賊非英雄耳 之士為之規畫而孟浪狂悖至如斯者此其間或有狙 之蓄念既久其所延攬招致非 力致死與城存亡外此無復有他謀矣第先後謀報為 之警凡既備矣至於成敗利鈍惟天所授人臣之義竭 不倫淺陋之見直以為皆謬耳英雄欺人馬可盡信 以待敵已的境上更修壁壁清野之法嚴偷號斫營 《耳竊謂爾時生日稱賀心其人 炭 日矣皆不得一中 材

火こうことは 露遂先伏誅審如是當復何憂竊以為未然夫二人者 戮二人謂孫公告其及謀章凡十三上通政司業已封 奪印行收府庫亦一時急計苟圖自免以利行事此其 為謀既外且秘非至於今始殺人而反也又謂京師門 其後也遂錮諸公不出股孫公以攝諸不附逆者至於 七去失所在故孫公軍從而索之索之不得明日復往 入此二人並以授之賊且於上前明其無罪令反形門 又從而索之其舍人實客陰相為謀亦懼人之疑而圖 東田電店

7

流 言者此愚之所大懼也誤者復謂賊悉以其衆登升順 皆有擁衛之權平日怙恩妄作固當無所不忍然小 釒 其所司彼烏得而盗之此其間倚伏之幾又有所不 亦不利其有他也渠獨不聞丁公之事乎別章疏實非 | | | | | | | | 一利乗升之害使非謀定計成徒謂其王室懿親人 一情祇圖其利顧今已極富貴欲復何為彼其為志将 而下果若人言其将安之耶賊誠愚無謀亦知乗城 グロ 屋台雪 一旦含城郭就舟楫欲以千艘之衆臨不 能

火 正四年八三 役之日淺料敵之計疎懼見譴請顧耿耿有懷不敢以 無可與語者故私見臆說誕安無所取東而於執事為 欲言而無從者矣羽七年家居不省門外之事而遠地 敢報圖之者哉誠然是天亡之而彼自送死也凡此 以走勝負之數此成禽耳安有身為大賊而猶謂人不 其前荆湖襄漢上游諸軍躡其後進不得以戰退不得 可疑志士仁人當心有旁觀點會流沸痛哭搏膺扼腕 之淵與天下爭衡以徼一時之利則南都沿江諸軍犯 東田道稿 類

城過遭為地七里週城之堞凡為數二千三百有奇官 耳設有警急方憂其內崩將何以戰亦何以守令計即 弁數人志相報復攻擊效尤此其勢不至於胥敗不止 衛士驕縱而為之上者乏帥正統取之人上下之分不 謀也已復使人負之俟得報遂當馳請承命約界上瀆 告人亦不敢不以告之執事也是間城守凡有數說未 明親長之義不立平時不可倚賴緩急殊易於動搖武 AT 11 E 可先圖亦以夫人為心不同雖面語終日不得其所為 į ţ

備他盗令適嚴警悉以齊一時或召其父老感以忠義 家凡為父子兄弟者幾人令人具一器杖平時操為以 當用民丁四千七百人然其父行子從兄行弟從子弟 則更体以守此所謂全軀保妻子之人終必得其死力 行者父兄亦從之其衆實倍馬賊至則分番迭戰賊退 軍之衆不及是一旦欲為持久計心參用民間丁壯計 而潜消衛士陸梁之氣亦賴有是耳先是偏諭郡民之 三人守一堞法當用七千人官軍僅二千二百餘人猶 さ 田覧店

師 愚見其害不見其利也急則用之緩則棄之非所以示 大信也且今此曹輕有司矣不得已而以分隸他監易 耳談者持論欲復衛士前日汰去之餘然此為數無幾 百所畧如省城之制此在承平足為觀美設有城下 民兵代守者而就其餉亦一街也其城上週盧凡干 以衛公家下亦所以自衛庶幾訓習既久可以 亦賴以蔽風雨拒矢石然吾之勁弩長戟亦不可得 以恩威使自相告語緩則作業如故急則授兵登 戦 呷

一段完四事全事 一 易得不得已而出其下策顧屬邑類有積栗以備成內 偷火道復戰地斯可以言守抑師行糧從令議守備糧 施而火攻之患尤可憂也謂宜乗時改移去其十之一 市井居沽之流田野鳗鋤之氓一旦奪其衣食之業使 兵成有顧役之入不復食於官獨所云拳師打手則皆 復不可緩計有司歲積私足以供衛士三月之需其民 之握甲執兵以臨不測之地此不飽其食何得以用其 力哉顧令府藏無畜財以為雜本則數千石之粟卒不 東田遺稿

委之以資敵也若栗又不足則索諸即希量出金貨令 道尤難其選當更圖之事在獲己即不宜以為請也然 **必至而理有固然者矣均為國家何所殊異頗任人之** 之圖此一時之權非萬全之策然較之有司取諸民間 自無常主急則為軍師之費緩則為府庫之藏亦勢有 以生咨怨利害正相十百千萬也大率此物一歸之官 其豫畜以應時需選任康吏以司出納俟賊既滅徐為 比來年穀屢登民未仰食固可一取之以供軍實不宜 夜足四年全皆 一 而我背城為戰以逸制勞則主客之勢成而掎角之功 其協從黨與繼遣精鋭由問道直擔洪都據賊巢穴而 此皆為守城計而未及進攻之議惟高明長慮遠攬定 南贑两廣建昌諸路赴義之師刻期西下先以一機散 兵以號台江閩豪傑分兵守要害而以一軍護糧道約 致死諜報屢至咸謂賊果東矣為今日計悉索列即精 戰守之計權輕重之宜審利害之勢號令之下其誰不 以諸軍循江而下且戰且招賊若失利於東勢將復西 東田遺稿 1

宜趨舍也今吾不忘西向之爱而賊適不虞於我也不 緘滕局鍋之施非可以備負匱擔囊之盜所謂小堅大 屈力為巨盜守非用兵之法也愚聞善勝者必先進戰 擒者也故兵法貴於通變而智者利於攻瑕謂勢有所 臨我制之之力其難當十倍於今而猶未見其定也夫 立矣此策之上者也特懼吾財賦不足耳財賦雖不足 因利乗便以撓其計至環數州之地連數萬之衆彈財 而役不可已若不及早圖之俟其竊據已成而以全師

ということにも 資威治固當以天下為選也嘉靖元年河南鄉貢大比 得士凡八十人益制額也視兩都則為少視諸省則為 伏惟執事於原馬悚悸悚悸 此矣敢私布之左右病暑不能為辭且指殭不能執筆 者矣先發制人惟萬明圖之百年之謀千古之憤決於 國家統一區宇任土之貢實維萬邦然則貢舉賢才以 而後可以議退保若先為退保計後將有欲戰而不能 擬河南鄉試録前序 東山遺稿 四十六

夏壞為其沿襲常格不足以盡士子之長然就其所至 銀亦選於千七百人之中而拔其尤者也噫两河告稱 胥此乎兆馬要未可以記誦解章少之也愚當博觀程 式之文矣數舉以前猶尚古簡後稍變而為華藻久之 亦有不可廢者益學非醇則無以適理解非節則無以 行遠其一時論選簡拔宏深辯博之學高明碩大之才 形勝為之士者亦雄於文哉或謂文章之體至科舉而 (放家岩視前大殊至於今已為極盛意者更歷數舉

謂參氣化關盛衰而非偶然者也令之諸省固古者列 最為近古東都以降稍稍不速而魏晉又次之唐以大 盛 莫若兩漢西京之作渾雄醇厚介於先秦戰國之間 文其變也以時令之文其變也以地三代而下文章之 益文章必屢變而益盛自昔已然非由今日也然告之 國之分地京師南圻文章都會故能備四方之體外之 歷 貞元為盛宋之作者亦大振於熙寧元豐之間此所 之後日新月異超軋抵轢于令者亦將猶令之視告矣 東田道為

業文者具楚長於富麗歐越長於清雅都魯長於總籍 宜當何如今諸士之文始見其平暢豐衍無險陂若廣 **汕湧卒然逢吾前而駭吾目竊謂地靈如此發為人文** 致不能皆同要之類足以當一時之求而不失為善變 巴蜀長於組繪三秦習雄渾而三晉尚豪華益皆得於 原然冲澹瑩徹無混淆若止水然至其神奇特出汪洋 者也愚初入大梁道嵩嶽之麓問黄河之津見其穹墜 山川風氣之所先與夫師儒習尚之所守雖其體裁思

金牙口屋之言

CALADE AIMS 患不 為大農工商貴成專一 其故以求之欲因此而得彼亦難矣夫四民之紫惟士 文不可易而為也亦不可易而知也盡其心以為之迹 外信諸士之雄於文也雖然愚聞之非其地而樹之 肆理至詞順而氣益充真若仰峻極萬仍之勢縱奔 九曲之觀恍然心境相忘而莫能自喻于言語形 閼 擬 河南鄉試録後序 紫以資其身尚為泛用其心則 東田遺稿 容

業不得而精業不得而精則身無以為資故農不知為 豈惟是也天下之事皆能知之皆能言之彼研其精於 皆若切於吾之所為有所不知則必窮搜遠討以求得 斤削而審器智於巧匠足不優関關而課利悉於良贯 窮故積文之士身不親耒耜而説稼辯於老農手不操 其說積之久而後出之則言有所資而叩之其應為無 汗漫之中而凝其神於紬繹之即則其為業者精而為 而買不知為銀專於業故也士則不然凡天下之事

一年プロ

Y

-Ë 11 12 5. Januar List a 1 農不以多獲舍其耒耜工不以絕藝毀其斤削買不以 善售越其闌闠以是為恒業而固守之也士於文何獨 者故太上以立言為功德之次况空言無實者哉今夫 紫也以言習之者也言固有時而渝者矣抑孰知士以 言則泛而疎固則可以久而疎則難為終文者士之所 不然有所資則攻之至於事功之實乃或外視之而漢 文者工矣夫豈苟然哉然凡業習於身則專而固習於 文而著文以實而顯世未有不立事功而可以文章稱 東田道稿

金りし 文士為多言無實吁亦戚矣故夫求士於文華之中鮮 然不以加之意曾彼三民者之不如遂使天下後世 擅文宗而許國處於姚崇王安石盡讀天下書而相業 言、顔豈易哉昔之人惟賈誼董仲舒韓愈陸勢韓琦范 有能不脏於將來者而聽言觀行雖聖人不能發也知 仲淹之徒為能文其言至於令不朽彼所謂踐言力行之 不逮司馬光遠甚則亦何有於文哉令諸士子之文組 也外是則楊雄善草玄而守道不如杜欽谷永張說 謂

灭足四年全等 一 **熙防之說以臨之也河南鄉試得士八十人益制額** 事功之實不若今之於文也則有司者固得以操權 能逆視也夫農荒於耕則田暖制其罰工怠於作則工 調精也已矣自今以往其將力行其言如贯生輩之不 麗而非華宏博而非跨渾乎無涯治乎成家其於紫可 行將有官守言責之寄尚為不恒其心而棄其紫其視 朽矣乎否則亦如楊雄之流而已矣是非有司之明所 正考其事實忘於肆則市吏索其藏令士登進於有司 東山遺稿

史茅公當洪武之季遇難以死至於令其英風義烈凛 孝之終至於靡身殉國不亦難哉吾鄉先正前副都御 終故遠忠孝易能也視以生死故難是故名掩於常而 則臣即顧理所不可奪勢固不能違然則委質之素移 彰於變行隨於安而激於危家不造則子道成國多難 有司惟視其能文而已諸士子其知所以自致者哉 分有至近而遠事有至易而難夫君親近倫也依以始 茅公祠記

皇帝以神武首出之資建萬世太平之紫一時遭逢侯 5/1./ Pare / / / 王淌前敷動相望乃獨有如公者天心名忽抗節豫讓 航海之行未成而赤族之難隨作雖室家之近有不及 凛猶生鄉人故老類能述其概益當其時有身見其慷 相謀者而為忠為孝為義舉無數馬則誠難矣昔我文 獨殞厥驅爾矣其子死馬孫死馬至其伉儷亦死馬益 吾敞邑籍以有稱於時公是之死顧不為難即抑公非 慨赴義者言之心懾氣奪謂公忠即古今天下所未有 東田遺鳥

金 精爽發於庫倫為賢為指為俊為傑為志節為功烈挺 與行成知倫理之大網卒遇變故依然同歸夫豈待於 心先其遠且難者而從事馬卒之能使其家之人感化 異雄豪之輩往往有馬公固一代偉人平時脩為論議 真足以媤夫為人臣而懷二心者亦豈不為聖化之 驅使然哉故尚論之士謂公一門全即當其氣化所至 海岳氣分人倫道喪否痼極矣國家隆興之始其英華 助哉若茅氏者誠不可少矣孰能為之益自元之季世 グロ

ルメニー

シーション とう 喪元溝壑初非二致不為此則為彼吉山成敗惟天授 方正任為邑學訓漢尋遷秦邸長史推副御史臺素善 直使之不幸而涉大變蹈至危進不得觀伊周之勛退 大矣公諱譜字大方布董其別號世家泰與初舉賢良 之其信然哉岩公之死非一人一家之故其所關係至 足以當隆古多質之期會不其然乎惜乎公道誼類董 不得託夷齊之迹悲夫或者謂士之處世銘功彛常與 **江都經畧加買長沙而前席之名臨軒之問漫無所遭** 東田遺稿 <u>Ŧ</u>

金少口 烈之盛節也既而朱侯以廢祠非所以奉寧公九原之 事謂吾令朱侯為刻布董集以傳亦仰承國家崇尚忠 彭侯即廢祠祀公後巡撫都御史劉公復放遜志齊故 偕死國事可謂同超於正者矣公殁垂百三十年典刑 前學士遜志方公嘗為公作希董堂記意氣相許卒與 不可識文獻無可徵後之人為之悲嘆感慨益有不在 靈爰考公故完於市橋巡南屋盧堂寝成在乃仍其舊 郎博陸之下者豈不痛哉前提學御史蕭公責邑令

たいコードラー 伯兄侍御公暨仲兄武庫公並有風即侯盜政修整己 弘治丙辰同年舉進士者凡三百人時在京師相與游 **養字守詣紹與山陰人世以儒顯兄弟登甲科者三人** 中稱宜朱氏益忠孝家也故侯於公尤加之意云 遺烈固夙夜腐心馬者亦奚以為辭爰志其畧朱侯諱 公鄉人託為記其事羽老且病顧奚能言然表章先公 送河南按察使陳公遷山東左布政使序 東田遺稿 5

而修飾之選主其間致嚴祀事冀公有所依馬謂羽為

金ラレ 愚丙辰同年也公自舉進士至為方伯数歷既久其操 然聚合不可得常而江湖萬里之外一或見其文章聞 從甚治今距昔垂三十年一時同升東西南北岩萍 南巡録諸書而竊觀其文章其纂述則義例精純其章 其風采則必傾慕感慨而遐想其為人庶幾乎見之而 優貞固器度優宏固無假賛述愚當得其所者西行稿 無從也噫是豈獨愚於諸公然哉其不能忘情於三百 猶一人也河南按察使遷山東左布政使静察陳公

深文致非公所為心而勸懲寄於刑罰之外要之非文 雖豪右權貴一無所假告然平反亭疑之功為多益 數月公為政整服日斷獄至百數發姦摘伏如神明然 優異受知於時而已也愚近承乏汴南獲與公周旋者 其言出於其東雖不知其人固可以想像得之况於 疏則言議則切其詩歌諷詠則與寄冲淡而曠夷要之 Mary Total Colonial 法吏所能辨也至凡河嶽祭告之文金石記載之作 公者哉然則公譽望日隆而駸駸顯庸者非獨以治行 東田遺稿

金文正 者或有所咨馬則酬答如響悉能當其義而服其心 諸州學事復以文字為職業調郎秋官提刑外臺皆明 抑 出於公公之為學為任可謂勤而有成势而有功者 朝矣今往之潘東豈惟句宣經制是賴台輔之任兹 可見公於天下之務罔有不完心馬者其勤且勞非 公初入翰林為庶吉士得盡讀中私書而出督楚晉 弼教以為守故今迄有底績信非偶然耳公當語 如錢穀出納兵賦庸調稍若謙遜而不居者至當事 压力三 矣

11 B. P. L. L. L. 彦聲謂愚於公有宿好以贈言屬之愚 顧愚疎昧該劣 試馬愚聞之鄒魯尚文學而青齊之間許力相高以成 二公而致侈望於公馬公將何以命愚耶 愚同年者之所願望也公行有期同僚董公抑之王公 其俗使東方之人衣被威德若南河之人而如盛馬尤 風徯公之至也久矣公出其平生緒餘以淑諸人而移 何足以知公而沉迷簿書思致冗俗其如公之行何哉 |惟贈別之艱於解愈於惜別之艱於感遂以斯言復 東田遺稿 五五

金ケモ 從忘形忘年以共樂余乃為吾弟書春帖云才地慚良 交親能詩如某語樂如某某善園巷某工鼓瑟往往過 官來歸相與角中野服徜徉於東田北渚之間與平 牧恩波放老漁又自署云廊廟重熙日江湖後樂年益 先是三十年僕僕修途淄塵湼衣頹波委楫馳隙之景 嘉靖改元之明年余歸自汴藩適吾弟廣信太守亦 一邁不可復追自兹以往為歲月者将復幾何幸而息 送邑博寇君歸郡坊序 E. A. TILL ·於定四事全書 | 古貌其為心如之居常有恩於諸生故士類感之間亦 道不同故也然則今雖愛征類進之時而山林長往之 巢由棲於唐虞不失為通沮溺囂點於春秋不失為矯 或上馬不為父母之養下馬不為富貴之謀可去也故 我而不在人也抑士之仕於時也固為道馬耳夫尚大 而不為天下之具膽小而不為一方之倚重可去也抑)顧亦馬可無也虧坊窓居典教吾庠也七年矣其人 , 拜即庶幾少延日暮之光以觀太平之威其幾益在 東田遺稿

夫行彰於人者美之字也樂成於已者善之充也吾無 倫也有爲世之風為之賦者繫於是寇君乃作而言曰 然請老以歸諸士民留之再至不聽乃相率祖錢於西 能馬二三子辱即于我近将奚酬賦木瓜而退明日崇 也有範俗之度為之賦羔羊繼而蔡生券進曰吾師隱 其畏而銜之者亦衆矣今年春君謂其父事於外也毅 郊酒行樂張迭起為壽于時周生崇儒進曰吾師端 有惠於吾民故邑人懷之然以其狷介少容於持太過

1-

火三百草心 室廬之暇將攜若人者覽玉仙之勝吊石堂之迹倦則 荣吾鳥能以彼而易此也君行矣其鄉之舊遊亦必有 聴於人而志不伸於已雖日被三接之寵歲存九選之 **薄仕進而樂 康退也吾行年近暮而病且貧與其行或** 儒券以語余自余歸食於家與余同者獨吾弟及吾友 升堂抗席命杯酒叙平生之歡於是乎張陶朱圖誦淵 **奕者絃者唫者謳者傒君之歸久矣君至而恭桑梓撫 閩郡別駕陳君二人顧今復得寇君馬君之言曰吾非** 東田遺稿

仲貞者冠於邑學之明倫堂先期宿三館師儒五經弟 壬辰冬十二月既望吾大夫思齊朱公以其仲子以良 湖之胡公云 **余雅重寇公於兩生有瓜葛之誼因其請故為之詞送** 明辭出余今日之言證之庶幾君之為樂亦猶夫余也 行詩凡若干首題其簡端為景湖别語益慕寇君若蘇 暨吾僻歸老于鄉者咸往馬至是大夫迎實而入揖 貿邑大夫朱公冠子以良序

火足四車全書 若嚴君馬富而教之職在大夫令其子視吾人家視吾 學之宫而必於斯者是有謂矣羽續其言曰大夫於民 嘆慕之諸生周崇儒焦娘以東田子羽承大夫實名之 色故教民始其子教邑始其家重始於學示民益周矣 唇說日大夫重冠事不得行之於廟頗令之室奚擇於 於凡與於斯會及士民來觀者咸謂大夫能行古禮而 張筵醴賓觞諸執事者酬酢有秩雅客怡偷禮成而歸 讓以升相禮有人將事有容三加彌度祝解惟今既乃 東田遺稿

家父子昆弟甲科相望焜耀後先有子四人伯曰某字 威明整暇文采風流過之吾民賴以安養化源之者將 豐鄭公德惠在人心至于今思之大夫兹媲美數公而 超駕前脩而逸其犀奚但一禮之教成而已抑大夫名 某偕其仲業儒大有文名叔某季某雖少而歧疑類異 之賢者若江夏蔡公古熊吳公蓬溪羅公順德洗公永 心出而勞形凡所以徼惠吾民者至足矣聞之前大夫 且大夫為理之日淺賦均而訟平政通而俗成退而勞 er/e.Jaiel Jelia : 序 者益尤異也近世以來惟予仲父從母戴夫人八十有 稱其家兒則吾以良之冠成人之禮大夫素命之父矣 逮令上皇帝嘉靖十有二年生八十年矣予家故事內 子季父從母何夫人以恭仁康定景皇帝臨御之五年 外大人壽登六十若七十生日舉賀輙異常年壽八十 两生者以吾言為足以徵大夫之後請書以頌之因 三叔母夫人壽文 東田遊馬

内而諸子婦諸孫婦暨諸女孫歸寧者亦三言勝常則 詞已乃行禮為拜與者凡八既而孫之行十餘人曽孫 候寢門外夫人亦風與具禮服以出見於中堂稱觞致 初度辰諸弟班習宿從問禮殿明羽以晕從九人者 五顏貌僅若中年今夫人復繼之秋八月念有七日適 人人之伯子詡及予仲弟聽二人耳此外而丈夫則然 '行復十餘人姑之子及子若孫之壻外孫若女孫之 至數十人成以序見率如初禮任而不與是會者獨

金厂口

卷下

東某隣某也當及見夫人願入為壽凡是三等為客復 於慶門有連禮得以拜夫人敢首以請再至者曰某某 節馬其不與者亦訓聽二婦耳夫人乃人賜之食飲既 **效脯羞致潘沐飾帔悅獻縷繡須次展拜視丈夫倍其** 71. 10.21 1.1.5 若干人夫人皆命辭之弗獲則皆見之客則李澄之朱 子也幸無辭見馬三至者則曰其東家之西某西家之 徹則應門入致客詞曰某無似幸托鄉里衣冠之後辱 之父若子獲從諸郎為兄弟交夫人固吾母某固夫人 東田遺稿

遺羔鴈體幣筐館殺核填委廳事飲客無問疎成少長 姓頷之而已夫人名家少有淑德夙開姆儀晚娯孝養 見者益衆甚夫人問勞酬謝咸宜其人益不徒於諸子 **関然騰惶雖與臺臧獲咸使醉飽匪班習亦不能辦也** 視聽聰明與居不衰猶二十年昔夫人也是舉親實旣 父諸母周旋詩書禮義間餘六十年令老 矣事二母惟 潤劉尚絅呉天瑞余徳英常時享諸君也是日內外 人以盛事命羽為紀之憶為兒時以至壯歲建事

金文匹尼人

以志 日之戀明發之懷逝將終身慈命有嚴忻戚係馬因叙

五叔 母夫人壽文

宵征不遠數百里而至者里開之近可知已于時有以 婦輩長少咸集序拜者四致祝者三亭午始寅絡繹未 `誕辰族氏於夫人若小郎輩從子輩孫輩妯娌若女 叔母飛熊公朱夫人今年壽八十仲冬念有三日是 (衆故也親賓則有杭江津亂淮流沿危游險晨興

マノアンコーラー いたの 一見

東田貴稿

空

金万日 者放至樂於仙真悉為良工而絲竹沸騰則猶機杼之 者不得與也次則儒冠衣者年少長者坐以北向東西 **欽錦樂母之壽悦實之來既稱鶴已則張延於庭揖衆** 文事為壽者擬遐齡於金石咸出鉅筆有以繪事為壽 於座坐而南向者皆華顛素領金緋在躬益非有齒爵 向者惟序戚序長而已三爵之後獻酬交錯歌舞送與 殺馨酒芳人其醉止與老掖少歸近舍遠益日不足而 軋體牢稠疊則猶廪康之充盈於是夫人之子從弟

たと言

成德之卒之以貲偕欽補官飛熊指揮錦及孫梓並登 ノーローサイント 安體和顏色怡悦計雖九旬猶令雖百虧猶令而後之 烈躬被金紫施及後昆可謂盛矣夫人名家純德插諸 國學械授散扶樞臬並住益公五十年問承遺安振餘 **角謹厚稱於吾宗素善治生積金鉅萬而敦睦好義人** 燭以繼之明日復然又明日復然三日乃已一時儀文 母而慈惠逮下室家攸宜今而八十康强優游老景志 之盛豈惟鄉人雖吾家未始有也始飛熊公以維掖之 東田遺稿

然凱幸之矣羽世承先公之義報德之懷猶之公子因 者申錫之祥也有而不可奪者沒承之善也向使淘朱 喜動顏色而諸母宴集垂九十者二人夫人同甲者二 倚頓之資王母元君之適苟無主張綱維之者則皆徒 來日當未可涯也先是三日欽復得丈夫子一人夫人 王封君銅吳甥臨輩食曰惟義昌業惟德紹休先公夫 以兹言入壽夫人夫人亦首肯之欽出以語其客黃君 人怡偷湍堂樂可知已亦惟吾家有之夫來而不可期

嘉靖癸未冬十二月甲寅葬戎先弟文舉於馬庄之 人誠有之請書之為稱觞之頌 亡弟文舉墓誌銘

政羽廣信知府翀同時解官成歸于家相與聚哭既哀

先考侍御史定與府君先姚太孺人墓次其兄河南祭

既痛乃謀諸弟媧圖志其墓惟先君葬時大司空嚴陵

胡公實志之及葬先妣又得大司馬太原喬公為志吾

大三可取三

張氏世系之詳陷然可質兹得以各吾弟諱翡文舉其

東田遺稿

至

漢次翊不幸早世次聽官禮部主客員外郎季即胸明 字常於别業構石為亭號石亭居士先君生子兄弟七 兄莫能先長工於詩為句清雅石亭稿存馬為有家法 忍言吾弟豐偉卓举器度弘遠幼而級悟讀書為文諸 化庚寅十一月四日卒正徳辛巳十一月十六日行年 經補邑库弟子員累舉未第皆太孺人出也吾弟生成 人羽為長聊次之其次吾弟弟之次翹官衢州府學訓 金ダレクと 五十有二偶病鯁誤於醫遂致不可諱嗚呼痛哉予何

其初在先君侍下行誼無所見先君即世弟綜理家政 未卒前二年側室錢氏生子一曰梗幼而有父風子風 邑巨族李思瞻之女有子而赐養國 窮今而已矣君子曰有道之士傲馬若張遺馬若忘潜 規則甚詳內外經費出入惟義予兄弟二十年得無內 名而實昌晦迹而德光斯可以誦吾弟矣吾弟配李氏 韜於藏力能致富饒而樂於約善可表正鄉俗而泥於 **顧憂以專心宦業賴吾弟之勞益其才足以發名譽而** こうし 東田道高 子為于日休弟

從弟欽偕其季錦詣羽謀曰父葬宜有銘將記諸他聞 今年冬十一月丙申將葬我叔父指揮公于北山之陽 乎胡界之厚乎而奪之速乎信天之不可質乎 固欲為銘爰系諸末使胸書之銘曰弟永逝乎兄孔泉 次日雲側室察氏出尚幼予既為志哀不能句讀諸弟 人則懼暑於疏委諸先友則懼疑于近凡畧與疑旨非 夜望其成也女二長日智李出既嫁而寡子死歸在室 金安四年全書 一 权父故雅熊衛指揮公墓誌銘 赵下

避 黎公屢銘其族氏大人柳柳州自為先人墓表不以親 受姓命氏出黄帝後歷世邀綿統系支流莫可悉考家 郎中聽自潮歸將之制來言曰是有故事可從也昔昌 生不以言語狗人夫人知之疏若近舉不足以嫌而又 叔父何羽猶固謝而弟輩辭益義以恭因殺曰吾先世 父意所屬也兄請無辭銘馬羽意難之會八弟前武選 也兄非能說墓者適為先太守兄銘令銘不作謂 以圖不朽也兄周旋諸父間得父之行實為悉而平 東田戲高 1

金年正是全書 鄉人稱為尚義張公四諱某字某仕至饒州府知府屬 養公諱某字某母周孺人生公命之諱曰毓寧實字之 派實自四世祖以分叔父指揮公則尚義公之孫父樸 字某家饒于財正統間邑中饑入千石於官詔旌其門 纓公仲纓公之子為工部尚書虞衡員外郎佑之公佑 為廷盜第二人仲諱毓明字廷昭季諱毓英字廷彦仕 之公生子四長諱某字某次諱某字某皆逸民三諱某 乗所載泰與有張氏始吾本真公由本真公三傳至仲

干石為子孫地至於今賴之間鄉之人機且死吾寧恐 武街公遂偕欽受告身注為南京飛熊衛指揮使借服 獨有餘必周之而行吾志欽既入義倉粟千石間為麋 復大饑視正統年加基公時寢疾名謂欽曰吾先公捐 金緋並復其身鄉人祭之令上嘉靖改元之三年邑中 散官者先後四人公與馬正德中詔民得入貲授三品 二弟以屋廬父母悦其養天順迄成化問吾族以貲補 為仁和簿皆先公卒公少善治生然恥罔利既長盡讓

大三コュノニョー

東田遺稿

1

如先公可謂世有其美者矣自吾先公員外公世戌靖 粥食餓人又數代有司輸較為費復數百金遂被姓命 為義公賦性簡重與人無畛域凡周恤人不以疏戚惟 揮百金購善田次其入給成者不以煩族人人益稱其 州歲合金總若干為餉值歌輙不易供公曰此吾責也 視賢而質者先馬卒有横戾不逞或侮之亦置不較故 人不得為問言加公奮其世業家累萬金欽繼承克肖 **禪其規畫經紀家以益大初年有屋數其楹田僅干**

スニコミニコ 畝季年屋以楹計者幾及干計田之為畝萬數然公所 也距其生正統十四年二月廿三日春秋七十有八矣 超界道路咨嘆獨月不己時嘉靖丙戌九月十有七日 疾瑜两春竟至不起卒之日遠過間之老者往哭少者 固自有其人耳時公益在許可中令其言悉驗云公寝 亦曰吾家諸少並馬茂可人若夫擅美其表襲芳堂構 語人曰吾兄其有後哉施及塗殍神聽之矣先中書公 遺於後人匪獨恃此也間之先饒州公多尚義公所為 東田遺稿 1

學生長益務學行底于成女一未出適舉人何相孫男 鳴呼公年足以配德名足以酬義哀榮始終於公足矣 女少歸公為伉儷公起家行義實多內助馬孺人生子 而人循謂奪之速也然則食未既之報其在公之子若 一皆嫁為士人妻公未病時當即近地從堪與家相度 也嫡母朱孺人秦府紀善明通公之孫處士某公之 即欽勤生篤義稱為公子次將孺人生錦授經為太 (棟梓械樞泉棟早卒梓得與錦同升太學生孫女

金少巨屋

17 TIME

莫與伍緊飛熊公克絕前武擬食素封韜迹阡畝比屬 為嘉靖已五云銘曰吾宗之與學惟四祖崇義積仁時 為增脩葺之可謂克盡飾終之禮者矣宜有述也今年 謂曰信樂矣哉逝將体於斯於是日攜羣從故舊燕遊 地居邑之陰因名北山兹是之葬欽錦以先君之所營 其間生死盛衰之說不能為欣戚於公公其達命矣夫 之簣墳為山鑿窪為池樹以松檜崇以祠宇中作生丘 ,機以阻原有千石揮之如土爰被金絲焜煋門 東田遺馬 Ż

金好四屋全書 嗚呼吾弟何為而逐有此禍也客中聞之哀慟垂死呼 惟公之所從子作銘永質干古 户施于後昆駢冠縣組八東以終允受多枯北山之陽 世吾兄弟六人者五十年來友爱篤至父母安之族黨 天叩地質之無從與其喪吾弟無寧喪予也念昔先父 母生予兄弟七人妹二人不幸五弟翊及二妹相繼蚤 稱之家庭之間怡怡如也惟吾先人以及吾曹世稱清 祭弟文舉

Valor line 臺郎弟為予而北舟車川陸之險益不避也若子與二 發粥之謀 憂虞苦樂脩當之矣先君官定與子及二弟 為多是吾弟事父母能服其勞處兄弟能敦其義貧賤 妹之喪气气哀戚之中助予以襄事行禮者吾弟之力 弟之舉進士千里移家則又皆吾弟任其勞而父母弟 往送歸迎實仗吾弟予出為縣令弟為予而南子入為 四弟八弟咸有仕進之業不克以從季弟驹尚在孩提 東四遺稿 ナナル

白先君在時嘗苦質乏吾弟夙知幹蠱方僕僕為左右

金少正 禁門無公府之擾庶幾優将倘祥於百年之間以與吾 南省兄弟駸殿向融計吾弟雖家居食質身無冠級之 四弟近領三衢學事八弟久為禮曹郎七弟行且報捷 能為生哉當予歸自圻輔質不能以自膽弟待予益加 兄若弟白首叙天倫之樂於無窮以少酬畴昔勤苦之 憂患無適而不相須也今予切副汴臺二弟出守信州 節不謂吾弟竟舍于而殁也嗚呼痛哉嗚呼痛哉予何 厚予時在田舍間弟匹馬遙遙為予而來至則坐語終 屋台

大三日日 三十二 豐厚優裕固不可期思欲與弟共守貧苦如往時不可 於役即盼望弟之音書亦永絕矣思弟而弟不來哭弟 予令而後其即歸去來耶弟無復從予以笑語其或久 以貧弟因未當得少依藉以長尺寸令而已矣將他日 而弟不知予之為働其有既耶抑予為官三十年家益 猶有百年之期不謂吾弟竟舍子而先姐也嗚呼痛哉 相從然千里尺書宛如面語在原之意實與予東予意 日無少厭怠及予復之武陽弟以家累不得如往昔之 東田遺稿 セナ

望弟以有與是予可以死而弟未可死之時也天乎天 **愿過恒人讀書晚大義視予未老子孤而幼門户之事** 復得矣予之念弟其能已乎且予今年五十有六長弟 鯁之後為諸醫所誤以為痰火視之遂致不諱聞之驚 于固私以為憂後二日李弟輩令家人以訃音至益病 乎何奪吾弟之速也去冬十一月二月兒采來省于官 云弟秋九月因食蟹誤吞其螯遂鯁而為疾今且就愈 三歲而生平不肖於先人有子三人亦皆長立吾弟識

予固己知之矣痛哉痛哉天禍予兄弟何至此極也鳴 Les Jones As As As All 今二十年間時一與思不覺飲泣獨弟之疾予乃不得 動若陨自天旋復圖歸彌留周月謂有君命未敢軟行 戀戀懷兄之態當必有家人婦子所不能知不忍言者 之七及諸幼姓之殇子皆在馬湯樂棺發實親視之迄 報音遂當就道襄弟大事以終予懷嗚呼昔五弟二妹 且勢不得以亟去也因遺書戒弟子輩令卜基期候得 視其狀一分其疼遐思易黃之時其諄諄夢寤之言 東山遺稿

終窮也若百年之事義在于子一息尚存當不使弟有 獨且奈何弟益將與目九泉而子之悲恫思望尚何所 呼已矣吾弟平生孝友能承順父母之惟心今未老而 羽小子 不敢稱先德惟吾伯父內剛厲而能柔克外 終又獲從先父母以遊於地下脩短之限人所不能逃 天南涕血交迸嗚呼痛哉嗚呼痛哉尚享 後憂也弟其有知庶諒予心兹遣采歸祭告弟靈瞻望 祭二伯父文

火だり事人こう 既尚享 宿蒙猶子之愛譽敦雖遠典刑尚存永缺一 **黎垂世者長始所謂死而不亡者姪等及趨諸父之庭** 鄉里衣冠之懿厚業足以裕後令于足以承家及物者 潤而有康隅交不擇利而親義不見難而隳非意干 不能一 而亦衆所共知緊惟伯父雖以畝畝耕耘之姿而實為 仁恤隣恒先其施凡斯數端皆他人之所無伯父有之 一毫之挫赤心投之罔各千金之揮睦族不有其 東田遺稿 一觞哀慕罔

與弟於客于堂今乃與客為弟發喪豈我骨肉則為永 至六表白頭相期謂可百年不幸至此哀痛何言去年 吾弟才器凤成蚤登科甲花封柏府綽有賢聲爰及領 傷嗚呼痛哉弟婦孺人寔能內助一 兄弟既翕朋售交惟念吾先人率皆蚤世惟吾與弟垂 郡益弘厥施儉人構繫毅然來歸吾時解官亦歸東田 日家門何為有此凶禍吾弟奄逝弟婦繼七嗚呼痛哉 祭弟鵬舉 | 疾告終嗟天之數

スルロコ Anto in 痛惟二母繼歸先君猗彼堂萱附兹庭椿吾宗盛蕃諸 吾心視第二子悲喜交集幸迷已娶季亦歧疑上以今 哭弟于堂弟能有聞吾老多病宣任哀苦百年有懷弟 月廿有四日奉遷雙柩往營兆城率我妻子及我婦孫 不在家嗚呼痛哉垂絕之容不遠吾目永訣之言不忘 祭二伯母文代振卿弟作 東田遺稿

哀哉哀哉弟令何在生耶死耶抑豈夢耶胡不在公胡

雙靈在殯奄忽三春終身之慕何夕與晨嗚呼痛哉謹 淪嗚呼痛哉撫我之徳生我之恩如彼昊天罔極時倫 質島天厚地吾情無垠愁靈不昧鑒兹哀忱痛哉痛 -是月廿有二日奉,遷靈車高嚴之原往從先君是依 ,在夏宜我人百年為期僅八逾旬皇天不弔母修沉 親嗚呼痛哉篤親以仁執喪以心胡易之富胡戚之 淑均肆予母氏允嗣微音先君乘背遭家不辰賴母

父東田翁語汝楷采楨諸兒吾家世承官紫清白相傳 遗档采植分單

敞廬一 周畧無贏餘為汝曹地此在族黨鄉郡皆能知之然吾 較之宗人初無善田利産先君侍御公及世之日止遺 亦不以此自少顧汝兄弟三人同胞一氣不承尺寸之 三十餘年中間出處相半雖叨厚禄為貧為養自給未 一區薄田二處今汝叔二人所業即是已吾歷仕

火三日日 日白 資幸而皆能自食差有田宅亦又何求但數百年詩禮

東山遺稿

曹其體各意自今益自的勵恒相習為義母相習為非 家聲謂宜世守况吾與汝母皆年七旬老態日甚身後 義則吾生可以怡頗殁得以與目汝曹圖之 **殷鑒爰浼汝权暨汝諸弟同至蒞盟吾手書將汝曹各** 之念未能忘情且向遭非意之挠汝曹皆親嘗之足為 有成業及先後積負明載其上粗注規條與為永質汝 弘治十五年吾因差汝祖贈御史定與府君作書遣 計開

金グレ

F. 1. 1.

次元四東人言 憑黃潤夫等借汝五叔祖銀二百兩又憑表兄祭誠 表弟蔡齊借外祖明七公銀六十兩楷自還之 之前書未得徐質之宣卿正德十年因楷接例入監 桂男至仁和借汝三叔祖銀四十兩後寄汝三叔還 吾借告汝祖殁時吾諸弟未任而貧吾為兄蚤仕諸 汝五叔祖處認還未了借銀三百六十兩勿分祖债 正德十五年我托汝十叔祖仁和叔祖親書一紙 勉為不較弟輩皆知豈令數十年已成之約可復 東田道稿

相參令歸之楷嘉靖等年買張宣卿蕭灣莊地一 楷正他九等年買張家莊後趙政等陸地與續買地 待後奉還汝二叔初未言及相周之義不可忘也知 嘉靖七年買楊景蕃等房地一所並是楷貲聽為世 汝兄弟三人可分與 共銀四百四十兩吾老矣前紙在汝权堯卿宜卿處 誰哉我又自托黃潤夫輩借用銀八十兩與前 紙各承認銀一百四十七两

生り

んんしゅう

1/5 / C . 4 / 2 / 5 | 清港水田一處並是楨貲聽為世業楷采無與 東門曹均張模草場並是采貲聽為世業楷楨無與 業采楨無與 楨嘉靖十年買張振卿東門基地一所又轉買指灌 息及買封謚葉概二家房地將家堡頓車陸地二處 瘠價廉銀不及二百兩正徳嘉靖間吾歸避居於彼 正德十等年續買張家莊後蔡祥等陸地數百畝地 采於嘉靖二等年買三房東門房地一所吾賴以棲 東田道稿

金ラレノニー 志無有異心諸凡吉凶之事須和同均一處之毋多 守使後人知為東田舊業汝曹亦繋遐思然此亦在 較量每歲常祀必誠必信母或遺忘汝曹交親必擇 家人數輩別為處分具載外紙原有東門草場六十 汝曹不聞平泉草樹文饒徒亦諄諄乎今計此地及 廿年來游歌食息戀戀于兹吾即老去汝曹猶宜世 汝曹兄弟幸皆成立父母在上下及妻好當承頹順 畝汝曹後來各得二十畝

嘉靖十五年春三月十三日書 **賢論世若失之凶人** 凡子若孫務今讀書母令飲博凋敗身家楷爾長既 仕務為孝義以先諸人采爾有兄弟務 義楨厰圖仕進勉為孝義以慰父兄 匪類或恐遺笑抑有後憂汝曹 東田遺稿

		- 1111		 . =		1
東田遺稿卷下						1
由						1
遺	ĺ					1
稿	1					-
卷						Ļ
下						
i	Ì					
:						1
	ļ					1
!						
						ĺ
					, ',	F
	- 1	.	 			